

KUMTHAR NI
January 1, 2019

Pathian hruainain kum 2019 kan lo chuang kai leh ta. Kohhran member zawng zawng Worship & Music Department-in chibai a buk a che u. Hun kal taa min hruaina zawng zawng avangin Lalpa kan Pathian hnenah lawthu i sawi ang u.

Tun hmain kum thar ni hi kohhranin a serh vak ngai lem lo. Thenkhat erawh chuan intihhlamna niah an hmang bawk. Mahse, hun thar lawmawm leh boruak nuam tak Pathianin min rawn her chhuah sak a ni tih kohhranin a hre chiang deuh deuh va, inkhawm nan leh intihhlamna an lo hmang ta thin a ni. Serkawn-a Mission sâpte khan mualah intihhlamna hunte siamin an hmang thin a, ruai an theh ngai meuh lo. Thingtlang lamah erawh chuan ruai siamte pawh kohhranin an lo ching a, zaikhawmnate pawh neiin hun an lo hmang thin. BCM rorelna lamah a hman dan tur sawina chiah chu a awm lo va. Kohhran Calender siam tan tirh atangin hun pawimawhah ngaiin he Ni hi kan lo hmang ta thin niin a lang. Pathian hnena lawm thu sawi nan kohhranin a hmanga, ruaite pawh theh a ni ta zel a ni.

Hun hman dan tur: Kohhran ten hlawk leh zalen zawk a hman a nih theih nan, Tualchhung Kohhran Committee in tha an tih anga ruahmanna siam tur a ni.

MISSIONARY DAY
Mizoram Chanchin Ṭha Thlen Kum 125-Na
(Gospel Quasquicentennial)
January 11, 2019
Thupui : “Isua Krista Khawvel Chhandamtu”

1. Call to Worship: Inkhawm hruaitu
2. Ṭawngṭai : Inkhawm hruaitu
3. Bible chhiar tur: (Sam 126 : 1-6, Ephesi 2:1-5)
4. Thupuan : Secretary
5. Hla : (Thilpek lakkhawm leh hlanna)
6. Thuchah : Thuhritu
7. Hla : Thuhrituin thlang se.
8. Malsawmna/ Lalpa Tawngtaina

Tualchhung Kohhrana lawm dan tur:

Lawm dan tur tlangpui tarlan baka rel chhunzawm ngai apiang chu Tualchhung Kohhranin rel chhunzawm tur a ni.

1. Lungphun: Tualchhung Kohhran a thei apiangin hriat rengna lung siam nise. Siam thei chuan hetiang hian ziaak nise.

Mizoram Chanchin Ṭha Thlen Kum 125-Na
(Gospel Quasquicentennial)
January 11, 1894 – January 11, 2019

Aw Pathian, Nangman Chanchin Ṭha min pe,
Lawm thu kan hrih che.

(Tualchhung Kohhran hming)

2. January 10, 2019 (Zan): Kohhran tinah mahni remchan angin mei det theuh ni sela. Hemi bakah hian Inkhawm buatsaih ni bawkse. **Thupui: ‘Isua Krista Khawvel Chhandamtu**
(*Mihring chhandamtu*)

3. January 11, 2019 (Chhun): Kohhranten urhsun takin (A thei apiangin ruai nen hun hman theuh i tum ang u.)

- a) Zing dar 7:00 ah dar vawi 125 vuak nise (muang fân raihin)
- b) Chawhma dar 10:30-ah lawm thu sawina inkhawm neih nise.

Thupui: ‘Isua Krista Khawvel Chhandamtu
(*Ram leh hnam chhandamtu*).

Ṭawngṭai rual neih ni bawkse.

Ṭawngṭai rualna atana Thupui: (sawi belh theih)

- a) Pathianin Chanchin Ṭha min pek avang leh Chanchin Ṭha rawn thlentu Missionary-te avangin lawm thu sawi nise.
- b) Mizoram atanga Missionary kal chhuak zawng zawngte tan.
- c) Mizoram hi Lal Isua Krista lalna ram a lo nih zel theih nan.

4. January 11, 2019 (Zan):

Thupui: Isua Krista khawvel Chhandam
(*Thilsiam zawng zawngte Chhandamtu*)

Inpawlhona/ Zaikhawmna: Kohhrante rem chan dan angin Programme emaw siam nise.

Rev. FW Savidge (Sap Upa) leh Rev. JH Lorrain (Pu Buanga)te chuan **January 11, 1894** khan Sairang lo thlengin “**Missionary Day**” tiin Mizo Kristian zawng zawngin pawmin **January 11, 1994** khan Chanchin Ṭha thlen champhaphak vawi 100-na (**Gospel Centenary**) chu kohhran pawl hrang hrangin hlim leh lawm taka lawm ho a ni. Mizoram sawrkar pawhin sawrkar chawlh (*Government Holy Day*)-ah a puang ta nghe nghe a ni.

**NATIONAL COUNCIL OF CHURCHES IN INDIA
(NCCI) DAY
January 20, 2019**

Thupui: An zaa pumkhat an nihna turin. (Johana 17: 21)

NCCI hi Kum 1914-ah National Missionary Council of India tia din a ni a, International Missionary Council-ah a in *affiliate* a ni. NCCI hian Nagpur, Maharastra-ah Headquarters neiin Kohhran 30 zet insuihkhawmna leh Christian Organisation 17 lai telna Council a ni.

A thil tum lian ber chu India ram Kohhran hrang hrangte inpumkhatna tha siam te, retheihna um bo tura hmalak te a ni. Kum 2007 Assembly chuan NCCI hi zawm a ti tlu a. Kan zawm hnu hian BCM hi Committee member kan nih ve tak avangin min ngenna angin kum 2016 Assembly chuan NCCI ni hi BCM ni pawimawh (Special Sunday)-ah telh a lo rel tlu ve ta a, a hun atan January Pathianni vawi thumna ruat a ni ta a ni.

Hun hman dan tur:

1. Call to Worship: Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar tur : (Sam 133 :1-3, Johana 17: 15-26)
5. Thupuan : Kohhran Secretary
6. Hla : (Thilpek lakkhawm leh hlanna)
7. Special No : Kohhran zaipawl/group zai beisei a ni.
8. Thuchah : Thuhrituin
9. Hla : Thuhrituin thlang se.
10. Malsawmna/ Lalpa Tawngtaina

**PHAR PUAL PATHIANNI
(LEPPROSY SUNDAY)
January 27, 2019**

Thupui :

Ani chuan a lo khawngaih ta em em a (Marka 1:40-42)

Hun hman dan tur:

1. Call to Worship : Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar tur : (Marka 1:40-42, Marka 10:5-9)
5. Thupuan : Kohhran Secretary
6. Hla (KHB No. 260) : Thilpek lakkhawm nghal ni se
7. Special no : Kohhran Zaipawl or KNP
8. Thuchah : Thuhrlitu
9. Hla :
10. Malsawmna/Lalpa Tawngtaina

Note:

1. BCM Assembly 2018 chuan TLM Mizoram in kan ngenna ngai pawimawhin Agreement fel tak a siam a, kan lawm hle.
2. The Leprosy Mission Mizoram-in Phârte hnena rawng kan bawl zelna kawnga hma tharte kan lak zel theih nan thawktute i tawngtai pui thin ang u.

Hriat tur pawimawh:

Phar pual Pathianni thawhlawm hi TLM rawngbawl nan hman tur a ni a, BCM thawhlawm luh dan pangngaiin Headquarter office-ah theh luh tur a ni. Aizawl leh Lawngtlai area-a awmten ES office kal tlangin theh luh theih a ni ang.

BAPTIST WORLD ALLIANCE (BWA) DAY**February 3, 2019****Thupui: Hnam tina mi zirtiraahthe siam ula****(Mathaia 28:19b)****Hun hman dan tur**

1. Call to Worship : Inkhawm hrulaitu
2. Tawngtai : Hruitu
3. Hla : Inkhawm hrulaituin thlang se.
4. Bible chhiar tur : (Mathaia 28:16-20, Isaia56:3-8)
5. Thupuan : Kohhran Secretary
6. Hla : Thilpek lakkhawm
7. Special no : Zaipawl/Group/ Solo
8. Thuchah : Thuhritu
9. Hla : (Thuhrituin thlang se)
10. Malsawmna/ Lalpa Tawngtaina

BCM hian BWA hi kum 1978-ah kan zawm a, full member kan ni. Tun hma deuh kha chuan BWA Day hi February thla Pathianni hnuhnung berah hman a ni thin a; kum 2005 atang khan May thla Pathianni hmasa berah sawn a ni a, 2016 atangin February Pathianni hmasa ber hi BWA Day atan hman a ni ta.

BWA-ah hian Ram 120 chuang atangin Kohhran hlawm (Convention/Union) 230 dawn kan awm a. Tualchhung Kohhran 178,000 chuang zet leh baptisma chang tawh member vaibelchhe li leh maktaduai hnih chuang (4,20,00,000) kan inzawmkhawm a ni.

BWA Sunday zing Inkhawm thawhlawm hi BWA Headquarters, USA-ah thawn thin a ni.

KRISTIAN HOSPITAL NI

February 17, 2019

**Thupui: Heng ka unau te ber zinga mi pakhat chung a in
tih chu ka chung a ti in ni (*Mathaia25: 40*)**

Hun hman dan tur:

1. Call to worship : Inkhawmhruaitu
2. Tawngtai : Inkhawmhruaitu
3. Bible chhiar tur : Mathaia 25:31-40, Mathaia 4:23-25.
4. Hla : Thilpek lakkhawm nise.
5. Thilpek hlanna : Thilpek hi Christian Hospital Poor
fund a lut tur a ni.
6. Thupuan : Tualchhung Kohhran Secretary
7. Tawngtai : Tawngtai rual neih nise
8. Thuchah : Thuhritu
9. Hla : Thuhrituin thlang se.
10. Malsawmna/Lalpa tawngtaina.

Hriattur Pawimawhte:

1. Kristian Hospital Sunday zing inkhawmah hian Pastor emaw
Kohhran Upa in emaw hun hman nise. Hospital staff te
rawngbawl tur a hun pe thei kan awm anih chuan a lawmawm
hle ang.
2. Kristian Hospital Sunday zing inkhawm thawhlawm hi Hospital
Poor fund-a lut tur a ni a, Headquarters kal tlanga pek tur a ni.

TAWNGTAI RUAL THUPUI TURTE:

1. Lal Isua Krista rawngbawl na ki pawimawh ber pakhat 'tiham
rawngbawl na' chhonzawm thei a Pathian khawngaihna kan
chan avangin lawmthu sawi ila.

8 BCM Ni Pawimawh Programme - 2019

2. BMS Missionary te leh BCM staff he rawngbawlina bul lo tantu leh lo chhawm nungtu zawng zawngte avangin lawm thu sawi ila.
3. Tihdam rawngbawlina chhonzawm zel tura thawk tur kan la neih avangte leh thawh theihna tur hmanrua tul angte Pathianin min la pek zel avangin lawmthu sawi ila.
4. School of Nursing atanga GNM students ten result tha tak kan neih thin avang leh nurse zir chhuak eng emaw zat kum tin kan neih thin avangin lawm thu sawi ila.
5. Christian Hospital Serkawn leh Lawngtlaia thawktu zawng zawng ten Lal Isua Krista rilru pua hmangaihna nena he rawngbawlina hna hi kan chhonzawm theihna turin tawngtaisak ila.
6. Tihdam rawngbawlinaah hian khawvel thiamna leh hmasawmna um phak ve zel a ngai a, chumi atan chuan thawktu mi thiam leh hmanraw thate a tul a, Pathian hnenah mamawhte hi dilin tawngtai ila.
7. Tihdam rawngbawlinaa BCM-in hma a lakna hmang a Pathian ram a lo zau va, a lo ngheha, a lo lanfiah deuh deuh theihna turin tawngtai ila.

BCM ASSEMBLY

A Hun: March 6-10, 2019

A Hmun: BCM Biakin Venglai, Lunglei



MISSIONARY THLEN CHAMPHA

March 8, 2019

Thupui: Isua Krista Khawvel Chhandamtu

He ni pawimawh tak March ni 8 hi Sap Upa leh Pu Buangate chhim lam (Tlabung) an lo thlen ni champha a ni a. Pathianni a nih loh bakah BCM Assembly lai a nih avangin Kohhran thenkhat tan chuan hman a har thei a; chuvangin thupui chiah kan dah a, hun hmang thei turte chuan thupui hmang hian thuchah sawi ni se, programme dang chu tualchhung kohhran thu a ni e.

MARTARTE NI**March 24, 2019**

**Thupui: Pathianin keini tirhkohte hi thi tura ruat sa angin
a hun hnuhung berah min tar chhuakah ka ngai
a ni. (1Kor. 4: 9a)**

Kum 2002-a BCM Assembly chuan, “Krista rinna avânga tuartu Martarte hriat rêngna ni hi hman ni se” tiin thu a lo passed ta a. Assembly thurêl chu Administrative Committee chuan bawhzuiin March thlaa Pathianni hnuhnûng ber hi kum tinin ‘**Martarte Ni**’ a tân hman thin tawh tûrin a lo ruahman ta a ni.

Hun hman dan tur:

1. Call to Worship : Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar tur : (Thuhriitu 5 : 13-15, 1Kor 4: 6-13)
5. Thupuan : Kohhran Secretary
6. Hla : (Thilpek lakkhawm leh hlanna)
7. Special No : Zaipawl emaw beisei ni se.
8. Thuchah : Thuhriitu
9. Hla : Thuhriituin thlang se
10. Malsawmna/Tawngtai

HARHNA THLEN CHAMPHA

April 4, 2019 (Ningani)

**Thupui: Sim ula hawi kir leh rawh u; chutichuan, Lalpa hnen
ata harh hunte a lo la thleng ang. (Tirhkohte 3:19)**

Harhna thlen champha kan hman tan dan:

Harhna hi ngaihlu hle mah ila, Kohhrante hian a champha ngaihhlutna hi tihlan kan nei meuh lo. 1985 Assembly-ah he Harhna Champha hi ni pawimawha neih turin ngaihtuah a ni a. Mahse a tlu zo lo va. 2005 Assembly-ah erawh chuan tihluk a lo ni ta a. Kum 2006-ah Revival Centenary ram pumah lawm a ni a. Hemi kum 2006 atang hian BCM Calendar-ah chuan tirin ni pawimawh zingah a lo tel ta zel a ni.

Hun hma dan tur:

1. Kumin chu Chanchin Ṭha thlen champhaphak vawi 125-na a ni bawk a, hlung taka hman theuh i tum ang u.
2. Hun hmang thei turten inang tlanga kan hman theih nan thupui chauh dah a ni. Hemi bak ṭul awm apiang Tualchhung Kohhran Committee-in a ngaihtuah ang.

TUMKAU PATHIANNI**April 14, 2019**

Thupui: Lalpa hminga lo kal chu fakin awm rawh se.
(Marka 11:9b)

Tumkau Pathianni hi Kristiante ni pawimawh, a ni leh thla pangngai reng lo chi (*movable feast*) an tihte zinga pakhat a ni. Kristiante tan ni pawimawh a ni reng a; kum 2012 atang khan telh a ni ta a ni.

Tumkau Pathianni hi Lal Isua Jerusalema lal anga a luh ni hriat rengna ni a ni a. Lal Isua lal a nihna puan chhuah thar lehna hun leh amah chawimawina ni atan hman a ni. Hetianga hmang hmasa bertute chu Jerusalem kohhran an ni a, kum zabi 4-na tawp lamah an hmang tan niin sawi a ni.

Hun hman dan tur:

1. Call to Worship : Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar tur : Isaia 53 :4-6, Luka 23 :39-43)
5. Thupuan : Kohhran Secretary
6. Hla : Thilpek lakkhawm leh hlanna)
7. Special No : Zaipawl emaw beisei ni se.
8. Thuchah : Thuhritu
9. Hla : Thuhrituin thlang se
10. Malsawmna/ Lalpa Tawngtaina

GOOD FRIDAY
April 19, 2019

Thupui: Ka hnenah Paradis-ah i awm ve ang.
(Luka 23:43b)

Good Friday hi Kristiante kut pawimawh tak tak pathumte zinga pakhat, khawvel chhandamna atana Lal Isua kraws-a an khenbeh ni hriat rengna ni a ni. Kristiante hun pawimawh, a ni leh thla pangngai reng lo chi (*movable feast*) an tihte zinga pakhat a ni a, March 20 leh April 23 inkarah a thleng thin.

Hun hman dan tur:

1. Call to Worship : Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar tur : Isaia 53 :4-6, Luka 23 :39-43)
5. Thupuan : Kohhran Secretary
6. Hla : Thilpek lakkhawm leh hlanna
7. Special No : Zaipawl emaw beisei ni se.
8. Thuchah : Thuhritu
9. Hla : Thuhrituin thlang se
10. Malsawmna/ Lalpa Tawngtaina

EASTER SUNDAY**April 21, 2019****Thupui: A sawi ang ngeiin a thawh leh tawh kha*****(Mathaia 28:6 (b))***

Kristiante kut pawimawh pathum- Krismas, Good Friday leh Easter Sunday te hi mihringte chhandamna siam tura Pathian Fapa-in he khawvela a hun hman leh tawn ropui tak takte an ni. Christmas hi mihringte tan lawmna ni a nih laiin, Lal Isua tan chuan tuarna hun a ni a, Good Friday phei chu tuarna vawrtawp a ni. Easter Sunday hi thihna hneha a thawhleha ni a nih vangin, lawmna ni a ni. Chuvangin, Easter Sunday hi a ropui chungchuang a ni.

Sakhaw ropui leh hlun tak tak hmuchhuaktu tam tak an thi tawh. Thihna hneha tho leh an la awm lo. Krista Isua erawh thihna hnehin a tho leh a ni a, Kristian sakhaw chungnunna pawh hei hi a ni. Tirhkoh Paula chuan Krista thawhleha chu kan rinna inngahna bul leh a Chanchin Tha inngahna a ti hial a ni.

Hun hman dan tur:

1. Call to Worship : Inkhawm hruiatu
2. Hla : Inkhawm hruiatin thlang se.
3. Tawngtai : Hruaitu
4. Bible chhiar tur : Daniela 12 :1-3, Mathaia 28 :1-10,
1Kor 15;12-19
5. Thupuan : Kohhran Secretary
6. Hla : (Thilpek lakkhawm leh hlanna)
7. Special No : Zaipawl/Group zai/ Solo
8. Thuchah : Thuhrituin
9. Hla : Thuhrituin thlang se
10. Malsawmna/ Lalpa Tawngtaina

KRISTIAN NAUPANG PAWL (KNP) DAY
April 23, 2019

Thupui: Naupangte u, engkimah in nu leh pate thu zawm rawh u. (Kolossa 3:20)

A tirah chuan KNP hi “**Kohhran Naupang Pawl**” tiin an sawi thin. Tunah chuan Kristian Naupang Pawl (KNP) tih a lo ni ta a ni. Anmahni pualin Pathianni zing karah emaw, chawhnu lamah emaw tualchhung Kohhran remchan anga hmanpui thin a ni. **BCM Assembly 2001 chuan April 23 hi KNP Day atan a pawm a, 2003 atanga hman ñan a ni.**

Hun hman dan tur:

1. Ṭanna : Inkhawm hruaitu
2. Tawngtai : Hruaitu
3. Thupuan : Unit KNP Secretary
4. Hla : (Thilpek lakkhawm leh hlanna)
5. Special No : Zaipawl/ Group /Worship dance
6. Tawngtai rual : **Thupui:-** 1) KNP min din sak avangin Pathian hnenah lawm thu sawi ila.
 2) KNP Memberte leh Hruaitu min pek avangin
 3) Kan phak tawka Pathian rawng kan bawl zel theih nan.
7. Thuchah : Thuhritu hi Unit KNP in a ruat ang.

Hriattur Pawimawhte:

- 1) KNP Day hi rokhawlhna avanga a ni taka hmang thei lo ten mahni remchan hunah hman ni se.
- 2) KNP Day hi hlung leh hlawk taka hman tum ni se.
- 3) Programme duansa baka ñul dang chu Unit Committee kutah a awm ang.

BUHFAITHAM PATHIANNI**April 28, 2019****Thupui: Thil petu chuan ui lovin pe rawh se. (Rom 12:8)****Hun hman dan:**

1. Call to worship : Inkhawm hruaitu
2. Bible chhiar leh ṭawngṭai: Hruaitu
3. Thupuan : Kohhran Secretary
4. Hlasak ho : *thilpek lakkhawm nghal ni se*
5. ṭawngṭairual :
 - ṭawngṭairualna a hnuaiia thupuite hmang hian neih ni se:
 - i) Kan thawhlawm leh mahni Pathian hnenah hlanna.
 - ii) Buhfaiṭhamah hma kan sawn zel avangin lawm thu sawi ila, hmasawn zel turin Pathian hnenah dil ang.
 - iii) Buhfaiṭham khawntute leh enkawltuten tisa leh thlarauvah chakna an neih zel theih nan leh lawm taka he rawngbawlna hi an thawh chhunzawm zel theih nan.
 - iv) Buhfaiṭham hlutna leh ṭangkainate kan hriata, kan ngaih pawimawh deuh deuh theih nan.
6. Thu Chhiar chhuah : *Phek lehlama mi chhiar tur*
7. Report : Buhfaiṭham Secretary-in Tualchhung
buhfaiṭham dinhmun tlangpui report pek ni se.
8. Special Item : Zaipawl/Solo neih theih chuan
9. Thuchah : Thuhritu
10. Hla sakhona : Thuhritu-in thlang se.
11. Tawpna : Malsawmna/Lalpa ṭawngṭaina

THU CHHIARTUR

Kum 1908-ah Khasi rama nu pakhat chuan chaw chhum apiangin buhfai vei khat lek lek in dah hrang ila, Kristian tinin kan tih chuan nasa takin hna a thawk thei ang tih rinna a nei a; a tinghal ta a. Rei lo te chhungin Khasi ram a luan chhuak nghal ta a. Mizoram pawhin kan lo la chhawng ve ta a.

BCM-in buhfai tham kan tham tan kum hi F.W. Savidge (Sap Upa) report-a a lan dan chuan kum 1915-ah tham tawh a ni a, Presbytery minute-ah chuan kum 1919- hi a lanna hmasa a ni.

Kum 1973 atangin BCM Assembly chuan buhfai tham rawngbawl na hi BKHP kutah a dah tan a, BKHP-ten an khawn a, Kohhranin a buaipui thin a. 1982 atang chuan mawhphurhna zawng zawng BKHP kutah a lo dah ta a. A man chu Tualchung Kohhran kal tlangin Mission lamah theh luh a ni.

BCM-in thahnemngai taka buhfai tham thamtute avangin buhfai thamah hma kan sawn zel a, Pathian hnenah lawm thu sawi ila, hma kan sawn zel theih nan tan i la zel ang u. Kum 2016-2017 aia kum 2017-2018-a buhfai thamah hma kan sawnna hi Rs. 5,724,656/- a ni a. Hetianga hma kan sawnna hi chhung tinte inphalna leh buhfai tham khawntute leh enkawltute rawngbawl na rah a ni a, a va ropui em! Lalpa chu fakin awm rawh se.

**BAPTIST KOHHRAN HMEICHHE PAWL (BKHP) NI
May 02, 2019**

Thupui: “RAWNGBAWLNA” (Kolosa 3:24b)

BKHP DAY: BKHP Day hi 1989 thleng khan March 20-ah hman a ni thin a, hmeichhiate rawngbawlina kum 50 a lo tlin khan May ni 2-ah Golden Jubilee lawm a ni a. MBKHP Executive Committee chuan eng zawk nge BKHP day-ah hman tur tih BCM General Committee-ah thlen a ni a. General Committee chuan May ni 2-ah BKHP Day hi hman ni tawh se, a kum pawh GA din atanga chhiar zawm zel ni tawh se, a tih angin kum 1990 atang chuan BKHP day hi May ni 2-ah hman a lo ni ta a ni.

Hun hman dan tur:

BKHP-ten an duh angin programme an siam ang.

Tawngtai Thupui :-

- 1) Bial leh Unit BKHP Hruaitute tan
- 2) BKHP Member zawng zawng tan
- 3) MBKHP Chhawmdawlina In a thawktu leh enkawl lai te tan
- 4) Loisi Editorial Board memberte tan
- 5) Tawngtai na a hriat tlan kan duh a awm chuan thawhbelh thei a ni ang.

Hriattur Pawimawhte:

- 1) Inkhawm hruaitu tur leh thuhritu tur hi Unit BKHP Committee in thlang se.
- 2) A hun thuah mahni Unit remchan dan dan Chhun/Zan-ah hman theih a ni ang.

BAPTIST MIPA PAWL (BMP) DAY
May 4, 2018

Thupui: Lawm chungin Lalpa rawng bawl ula.
(Sam 100: 2)

Baptist Mipa Pawl (BMP) lo pian chhuah dan: Baptist Mipa Pawl (BMP) hi May 4, 1980 ah Thingsaiah din tan a ni. Chutih lai chuan a hming hi sap tawngin “Baptist Men’s Fellowship” tih a ni a, a lam a har deuh avangin 1983-ah bialtu pastor rawtna angin ‘Baptist Mipa Pawl’ tih a lo ni ta a ni.

BMP hi kohhran a Pawl (Fellowship) pakhat ni turin BCM Assembly 1988 chuan a pawm a, chuta tangin Tualchhung Kohhran hrang hranga din a lo remti ta a ni. Hemi rual hian BMP kalphung tur leh inkaihhraina pawh siam a pawm nghal a ni. BCM Assembly 2011 chuan BMP chu Tualchhung Kohhran bakah Pastor Bial tina din a lo phalsak leh ta bawka ni.

Hun hman dan tur:

BMP ten an duh angin programme an siam ang.

Hriattur Pawimawhte:

1. Kum 2020 BMP Meet neihna hmun tur chu, BMP lo din tanna Thingsai-ah a nih dawn. A hun tur pawh February 7-9, 2020 a ruat fel a ni tawh.
2. Chhungkaw Pa berin sorkar leh mi dang rinchhan lova mahni intodelh a programme buatsaih chung chang a hma kan la hian rah a chhuah tha hle. MBKHP Inkhawmpui pawh Mizoram Chanchin bu-te fakna a lang nawk mai. Kan Target leh Member tin thawh tur te i ngaipawimawh zel ang u.

KRISTIANCHHUNGKAW NI**May 19, 2019**

Kristian Chhungkaw Ni hi Pathianni ni mah sela, Ni Pawimawh programme-ah hian programme hran siam a ni lo. A chhan chu Kristian Chhungkaw Chawlhkar kan lo nei ta a, he chawlhkarah hian thuzir tur leh chawlhkar pumpui programme (Kristian Chhungkaw ni telin) siam zel a nih tak avangin.

Mizoram Baptist Kohhran chuan kum 1948 atang khan mumal takin Kristian Chhungkaw Ni hi kan hmang tawh a. He Ni hi kan Zosapte pawh khan an lo ngai pawimawh hle thin a ni. Kristian Chhungkaw chawlhkar lo pian chhuah dan tawi tarlang hlek ila. Kum 2003 Assembly-a Kristian Chhungkaw Chawlhkar hman ni sela tih thu lo lut chu titluk a ni a; Kristian Chhungkaw ni behchhana hman a ni. 2004 Assembly ah Kristian Chhungkaw Chawlhkar hman rawtna lo lut leh pawh remtih niin hman a ni leh a. 2005 Assembly ah pawh a lo lut leh a. Chutianga a zawna tum thum lai ngaihtuah a nih takah chuan Assembly chuan kum tin Kristian Chhungkaw Chawlhkar hi hman thin ni tawh rawh se tiin a rel ta a ni. Tichuan tunah chuan Kristian Chhungkaw Chawlhkar hi kum tin kan hmang thin a ni.

Kan mi thiamte thu ziak, Kristian Chhungkaw chungchang thu tha tak tak kan zir thin a ni. He hun hi chhungkaw tin ten Pathian kan hnaih tlanna hun leh kan infuih tharna hun ni thei se a duhawm hle a, chutiang taka kan hman theih nan chhungkua leh Kohhran tinte infuih thar leh ang u.

TKP RAMTHIM NI
May 29, 2018 (Nilaini)

Thupui: Krista thuhretu rinawm. (Tirhkohte 1:8)

TKP Ramthim Ni chanchin tawi:

Kum 1959-ah ‘District TKP Inkhawmpui chuan, Tuikuk-Takam Ni’ atan October 5 hman nise tih a ni a, 1960-ah chuan September thla Thawhtan ni hnuhnung ber hman nise tiin rel a ni a, chumi kum chuan September thla Thawhtan ni hnuhnung ber chu September 26 a ni. September 26 hi hun rei tak chhung chu Ramthim pual atan hman zui a ni ta zel a ni. **“Tuikuk-Takam Ni” tih chu huap zim deuha hriat a nih avangin 1969-ah chuan ‘Ramthim ni’ tiin thlak a ni.**

September thla hi Beirual thla a nih avangin TKP tana Ramthim ni hman hi a remchang taw lo deuh thinin hriat a ni a. Kum 2006 MTKP (S. Vanlaiphai) Rorelna chuan May thlaah sawn nise tiin a rel a. MTKP Executive Committee chuan bawhzuiin BCM-in ram pawna missionary a tirh chhuah hmasak ber, Rev.H.Rokhama-te nupa tirh chhuah an nih lai denchhenin, May 29 hi a ruat fel ta a. **2007 atang chuan kum tin TKP Ramthim Ni hi May 29-ah hman a lo ni ta a ni.**

TKP Ramthim Ni-ah hian inkhawm buatsaih thin a ni. Heta thawhlawm lakkhawmte hi Headquarters-ah chhung lutin Mission rawngbawlina atan hman thin a ni.

Hun hman dân tûr:

MTKP in programme an siam ang

THLARAU THIANGHLIM THLEN NI
June 9, 2019

Thupui: Tinungtu chu Thlarau a ni. (*Johana 6: 63*)

Hun hman dan tur:

1. Call to Worship : Inkhawm hruaitu
2. Hla : Inkhawm hruaituin thlang se.
3. Tawngtai : Hruaitu
4. Bible chhiar tur : (Genesis 2:7; Isaia 2:22; Johan
6:60-65)
5. Thupuan : Secretary
6. Hla : (Thilpek lakkhawm leh hlanna)
7. Special No : Zaipawl/Solo/group
8. Thuchah : Thuhritu
9. Hla : Thuhritu-in thlang se.
10. Malsawmna/ Lalpa Tawngtaina

RELIEF SUNDAY**June 16, 2019****Thupui: Pe rawh u, tichuan pekin in awm ang. (Luka 6:38)**

1. Call to Worship : Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar tur : (Malakia 3:10-12, 11Kor. 8:12-15)
5. Thupuan : Secretary
6. Hla : Thilpek lakkhawm leh hlanna
7. Thuchah : Thuhritu
8. Malsawmna/ Lalpa Tawngtaina

Hriattur Pawimawh:

1. Khuarel chhiatna leh vanduin a lo thlen hian BCM chuan a tuartu khawsak harsa tak tak te chhawmdawlina **Relief & Development** kal tlangin a pe thin a. Amaherawhchu kan budget te a tam taw lo hle a, pawn lamah tanpuina kan zawng thin a. Heng tanpuina kan hmuhte hi tar leh upa te tein an thawhkhawm a ni thin. Tun dinhmunah keini aia pachhe zawk ram lamah tanpuina a kal tam avangin keimahni lamin kan thawhchhuah ve a ngai ta a.

BCM Assembly 2018 chuan he mi hi hre reng hian **BCM Charity Programme** a buatsaih ta a. Hei hi keimahni tan a nih avangin theihtawp chhuaha tanpui ngaite tanpui tura ringtute kan inpek zual deuh deuh theih nan leh he programme Assembly-in a duan hi a lo hlawhtlina, Pathian hnathawh a lan chhuahna hmanrua a nih theih nan i tawngtai ang u.

2. Relief kan thawhna kawngah hian kristian leh kristian lote pawh pek thin an ni a. Kristian lote pawhin he Relief an dawn atanga Lal Isua an lo hmuh theih nan i tanngtai ang u.

MISSION SUNDAY**July 07, 2019****Thupui: Nang malsawmna ni ang che. (Genesis 12:2 (b))****Hun hman dan tur:**

1. Call to Worship : Inkhawm hruaitu
2. Tawngtai : Hruaitu
3. Hla : Inkhawm hruaituin thlang se.
4. Bible chhiar :
5. Thupuan : Secretary
6. Hla : Thilpek lakkhawm leh hlanna
7. Special No : Zaipawl/Group/ Solo
8. Thuchah : Thuhrlitu
9. Hla : Thuhrlituin thlang se
10. Malsawmna/ Lalpa Tawngtaina

Tuikuk-Takamte veina nasa tak Kohhrante atanga a awm avangin kum 1939 Chapchar Assembly, Thiltlang a neih chuan a ngaihtuah ta a, Tirhkoh pahnih rawih a rel thlu a. Easter Sunday zing thawhlawm pawh mission pual atan dah ni se, a ti a. Hei hi hun rei fu chu hman a ni.

Missionary Sunday hman a lo nih dan leh a hming, 'Mission Sunday' a thlak a nih dan:

Kum 1949 Assembly khan July Pathian ni hmasa ber zing thawhlawm hi Tuikuk/Takam pual a tan a lo ruat leh ta a. Hun engnge maw chen Mizoram buai avangin a khaihlak deuha, kum 1975 khan ti thar lehin he mi ni hi Missionary Sunday atan hman a lo nit a a ni. Kum 2016 Assembly chuan kan hman dan leh a hming hi inmil zawk turin, '**Mission Sunday**' tiin a thlak ta a ni. July Pathian ni hmasa ber zing thawhlawm pawh he ni pual hian hman chhunzawm zel a nit a a ni.

**ṬHALAI KRISTIAN PAWL (ṬKP) NI
July 30, 2019**

**Thupui:
Ka chakna Lalpa (Phillipi 4:13)**

Hun hman dan tur:

MTKP atangin programme an siam ang

ṬHLAI THAR HLAN NI

(Tualchhung Kohhranin mahni remchan huna hman tur)

**Thupui: I lova thlai thar hmasa ber chu LALPA i Pathian
inah i rawn dah tur a ni. (Ex 23:19)**

Hun hman dan tur: BCM Assembly vawi 122-na, Zotlang, Lunglei (Agenda no 5.30)-in a rel angin, hun ruat bur lovin Tualchhung Kohhran remchan dan anga hman ni tawh se tih a ni. Hei hi 2019 atanga hman tan tur a ni, a tih angin kohhran ten kan remchan hun a hman tur thupui chauh dah a ni.

Thlai thar hlan ni hman a lo nih dan: Thlai thar hlan ni hi kan hman tan kum tak hriat a har a. Kum 1950 hma lamah pawh an lo hmang tawh tih chu 1950 Assembly minute-ah a hriat theih a. **Thlai thar Kut** tiin an lam nghe nghe. Mite thinlungah Pathian hnena an thlai thar hlan châkna te, Mim kût an lo hman thinte an lo tlansan tawh bawk nen, Kohhranin thawhlawm lamah nasa taka tan lak tumna a awm bawk a. Finance Committee chuan thawhlawm a lo pun dan tur a ngaihtuah a. Chungte nena țang kawp vekin Thlai thar hlan ni hi a lo chhuak ta niin a lang.

Hun hmasa lamah khan September thla Pathianni hmasa bera an hmang thin a ni a, hei hi thingtlang hmun thenkhatah thlai thar chuai tawh lam a ni a, a hun sawn hma an rawt thin a (Assembly 1965, 1968, 1971). August thla chhung hi an tin zawn deuh zel a. 1993 Assembly-ah Lunglei North ABC atangin August Pathinni vawi 2-naa sawn rawtna leh Aizawl ABC atangin August Pathianni vawi 1-naa sawn rawtna chu August Pathianni vawi 1-naa sawn a lo ni ta a. 1994 atanga hman ni se tiin a lo rel ta a; hetiang hian kum 2018 thleng hman a ni ta a, kum 2019 atang hian mahni remchan huna hmang mai turin Assembly chuan a rel leh ta a ni.

**NEICC DAY OF PRAYER
(NEICC TAWNGTAINI)
October 20, 2019**

**Thupui: Khua leh tui tha. (Rom 13:1-4)
Bible Chhiar tur dang: Amosa 5: 24**

Hun hman dan tur:

1. Inkhawmah hian a hnuaiia ṭawngṭai thupui tarlan hmang hian ṭawngṭaiho nise.
2. Inkhawm Programme kimchang chu Tualchhung Kohhranin mahni duh dana siam nise. Zaipawl emaw Special number erawh Kohhranin ruat tel hram se. Thusawituin thupui hmang ngei hian thuchah sawi se. NEICC chanchin tawi hi inkhawmah chhiar chhuah ngei ni se.
3. *Inkhawm thawhlawm* hi kan tih thin angin, Bial kaltlangin Headquarters-ah NEICC fund atan thehluk tur a ni.

Ṭawngṭai subject:

- 1) Kohhran mite'n chhiah pek, loan rulh, vote thlak leh ram leh hnam thila rinawmna kan neih zel theih nan.
- 2) Vantlang leh sawrkar thil mahni ta anga kan ena kan duat thiam zel theih nan.
- 3) Kan khawtlang ram (land), thing leh mau leh nungcha kan humhalh thiam zel theih nan.
- 4) NEICC hruaitu te, NEICC Thalai Pawl (NEICC Youth Assembly) leh Hmeichhe Pawl (NEICC Women Assembly) leh Office-a thawktute tan leh BCM aiawha NEICC Executive Committee Member Rev. P.C. Liandula (BCM President) tan.

- 5) NEICC project pahnih Union Christian College (UCC) tan leh NEICC Higher Secondary School (Lower Primary to Class XII) UCC Campus-a awm tan.

**KOHRAN MITE HRIATA CHHIARTUR
NEICC CHANCHIN TAWI:**

North East India Christian Council (NEICC) hi India hmarchhak Kohhran hrang hrangte inzawmkhawm, kan thawhhona huang awm chhun a ni. Tunah hian Members 52 kan awm mek. Ai khata luanga kut kan thlakhona project pahnih, Union Christian College (UCC) leh UCC Higher Secondary School (Lower Primary atanga Class XII) kan nei bawk.

NEICC hian kum tin Kohhran hrang hrangte kal khawmna tur programme Seminar emaw, Consultation emaw a buatsaih thin. Chi bing innghirnghona leh inbeihna a lo awmin remna palai hna a thawk thin. Mission Field-a Kohhran innek hi a duh lo hle a, thawhhona thu thlung a siam chu Kohhrante zawm ngei turin a beisei a ni. Tun term (2018-2020)-a NEICC hruaitu ni mekte chu:

President : Rev. Dr. Kethozelhou Keyho (Nagaland Baptist)
Vice Presidents : Rev. Dr. Laiu Fachhai (ECM)
: Rev. H. L. Marsing (Ri-Bhoi, Meghalaya)
Secretary : Rev. Dr. Ramengliana (Manipur Presbyterian)
Treasurer : Rev. Dr. Brightstar J. Syiemlieh (Presbyterian)

KHAWVEL SUNDAY SCHOOL NI
November 3, 2019

Thupui: Pathian thu Thimna tiêngtu (11 Samuel 22:29)

1. Call to Worship : Hruaitu
2. Tawngtai : Inkhawm hruaitu
3. Hla : Thilpek lakkhawm leh hlanna
4. Thupuan : Secretary
5. Special number : 1) KNP Zaipawl
2) Intermediate pawl
6. SS thil tum sawi rual: Puipa leh Zirtirtu zawng zawng
7. Thuchah : Thuhritu
8. Hla : Thuhrituin thlang se
9. Tawpna : Malsawmna/ Lalpa Tawngtaina

Note : Call to worship-ah Bible chang tarlan hi a duh tan hman theih a ni. (Johana 8:20, emaw Sam 119 :105)

BWA HMEICHHE TAWNGTAINI
(BWA WOMEN'S DAY OF PRAYER)
November 4, 2019

He mi ni hi BKHP chauhin an hman thin a ni a. Hun hman dan tur hi MBKHP lamin BWA atanga programme an hmuh dan milin Unit tina hman dan tur an ruahman thin.

NAUPANGTE NI
November 17, 2019

**Thupui : Naupang chu a kalna awm kawngah chuan zirtir
ula. (Thufingte 22:6)**

1. Call to Worship : Hruaitu
2. Tawngtai : Inkhawm hruaitu
3. Hla : Naupang Hla thlan ni theih se
4. Bible chhiar tur : Sam 127:3-5, 1Tim 4 :6-9
5. Hla : Thilpek lakkhawm leh hlanna
6. Thupuan : Secretary
7. ṽawngtai rual : (Thupui a hnuaiah tar lan ani)
8. Special number : Group zai/Solo/Recitation etc
9. Thuchah : Thuhritu
10. Hla : Thuhrituin thlang se
11. Tawpna : Malsawmna/ Lalpa Tawngtaina

Naupangte Ni hman ṽan dan:

BCM Assembly 2015 rel angin Naupangte ni hi kum tin November Pathianni vawi thumnaa hman thin tur a ni. KNP Day-ah hi chuan KNP ten programme an siam thin a, Naupangte Ni-ah erawh hi chuan Kohhran pum huapin Kohhran Committee-in Naupangte pawimawhna inzirtir nan hman tur a ni. Naupangte pawh chanvo a tam thei ang ber a neih theihna tur a hun pek thiam a ṽha.

RUALBANLOTE NI
November 24, 2019

Thupui: Ka duh e, lo thianglim tawh ang che (Luka 5:13)

1. Call to Worship : Hruaitu
2. Tawngtai : Inkhawm hruaitu
3. Hla : Hruaitu
4. Bible chhiar tur : Luka 5:13, Thufingte 17:5,
Marka 10 :46-52)
5. Hla : Thilpek lakkhawm leh hlanna
6. Thupuan : Secretary
7. Special number : Aawm theih chuan.
8. Thuchah : Thuhrlitu
9. Hla : Thuhrlituin thlang se
10. Tawpna : Malsawmna/ Lalpa Tawngtaina

Note: December ni 3 hi khawvêl pumah Rualbanlote ni (*International day of persons with disabilities*)- atan hman thin a ni a. BCM pawhin rualbanlote ngai pawimawhin an puala Pathianni ngeia hun hman tha a ti a, December Pathianni hmasa ber hi Ni pawimawh dang atan hman a nih tawh avangin November Pathianni hnuhnung berah Rualbanlote ni hi hman thin a ni.

Tawngtai thupui:

1. Pathianin duh taka a siam vohbikte hi hmangaih taka kan enkawl theih nan.
2. Vohbik enkawl nei chungkuaten Pathian atanga chhuak hmangaihna an lantir theih nan leh an enkawl naah chakna i dil pui ang.

BIBLE SUNDAY**December 1, 2019****Thupui: Pathian Thu Thiltihtheihna (*Heb 4:12*)****Pathianni zing inkhawm thupui:****Pathian thuin kan ram leh hnam a tih danglam dan***(Heb 12:4, Jeremia 29: 9,23; Sam 119:5)*

- 1) Sakhuanaah
- 2) Lekhazir (Education) ah
- 3) Ei zawwna-ah
- 4) Chenna in leh lovah
- 5) Silh leh fenah

Pathianni zan inkhawm thupui:**Pathian thu hmanga kan ram leh hnamin siam that a mamawhnate:**

- 1) Ram roelnaah (*Amosa 5:24*)
- 2) Eizawwnaah (*Isa 1:18-20*)
- 3) Kohhran inpumkhatnaah (*Jn 17:11*)
- 4) Chhungkua leh khawtlang nunah (*MJt 5:14&14*)
- 5) Chanchin Tha puan darhnaah (*Mk 16:15, Isa 60:12*)

Thawhlawm thu:

Bible Sunday/Bible Sabbath puala thawhlawm kan lakkhawmte hi tih dan thin angin BSI Tualchhung/Area/Branch/Auxiliary-ah thehluh theih a ni e. Tin, hemi nia thuchah Bengaluru Hqrs, lam atanga buatsaih chhiar chhuah tur chu BSI office atangin a hranpaa lo la kal tur a ni bawk e.

**KRISMAS NI
December 25, 2019**

BCM Worship & Music Department-in BCM member zawng zawngte Krismas leh Kumthar Chibai a buk a che u. Remna Lal lo piang hian in tan malsawmna rawn thlen theuh theih nan BCM General Secretary leh a Staff zawng zawngten duhsakna kan hlan a che u. Kum dang ang bawkin Krismas leh Kum thar programme mahni duh ang taka hmang turin duhsakna kan hlan a che u.

KRISTIAN NI PAWIMAWH NI BIK NEI LOTE:			
Kum	Good Friday	Easter	Pentikost
2018	March 30	April 1	May 20
2019	April 19	April 21	June 9
2020	April 10	April 12	May 31
2021	April 2	April 4	May 23
2022	April 15	April 17	June 5
2023	April 7	April 9	May 28
2024	March 29	March 31	May 19
2025	April 18	April 20	June 8